

## 'Fluba nɛn Zud -a cɛn -tɛ

<sup>1</sup> 'An 'bɔ Zud nɛn Zaji "bʊɪ -a bɛ, an ya Zozi Crizi 'suzan 'a. Mɛɛn 'fluba 'gʊɛ -a cɛn -tɛ minnun pɛɛnɔn nɛn Bali o laabʊ bɛ -wɛ. -Kaa "tɪ Bali 'ka ye "yi, ɛn -a yiɛ a 'ka da -trilii -e Zozi Crizi 'e 'ta.

<sup>2</sup> Bali -le nyrinda, 'lee 'yee -fʊdɪ -trɔɔ, 'lee 'yee yɪdɪ "yi 'e drɛ 'cee vɛ -a 'e 'cɪla "da!

*'Ka drɛ 'yi minnun nɛn o 'wɪ ve 'wlu 'a Bali wei da  
bɛ o va!  
(2 Pi 2.1-17)*

<sup>3</sup> 'An beenun, -a -cin a 'an 'ji 'e tɛdɛ 'kpa tɪgɪ 'nan, 'an 'fluba 'cɛn -tɛa 'cɛɛ, -kaa 'si nɛn Bali -a 'wʊ 'wɪ 'ji bɛ -a da. 'Pian maan 'yɪ 'nan, e ya "le 'an 'wɪ 'pla 'cɛɛ. 'Wɪ zɪɛ -nyɛn 'nan: Bali -le 'wɪ 'nɔnnɔn nɛn -kaa yi -tɛra "da "bɛ, 'ka 'tɔ "da 'plɛblɛ! Bali -a -nɔn minnun nɛn o cɪ -yee vɛ -a bɛ -wɛ, ɛn ya'a 'limlan 'li "fo "dɪ. <sup>4</sup> 'Wɪ zɪɛ maan 'pla 'cɛɛ, kɔɔ min -mienun wla 'ka yei 'e yɔɔdɪ. Wa'a 'ta 'wɔla Bali wei da dɪ, ɛn o 'wɪ 'wɪdɪ "dra te waa "paa 'nan, Bali -le "yi 'bɛ -si -nɔn 'wɛ. 'Wɪ zɪɛ -a drɛdɪ -ji bɛ, Minsan Zozi Crizi nɛn -kaa tazan -a 'e -tʊwɪ "bɛ, -a 'bɔ nɛn waa -tua 'o 'pela koda. Minnun zɪɛ 'wɪ nɛn e "ta -taa "bɔlɛ o man bɛ, waa cɛn -tɛ Bali -le 'fluba 'ji 'e 'cɛn.

<sup>5</sup> 'Winun nɛn 'gʊɛ kaa -tɔa 'e 'cɛn 'va, ɛn an ya "vale 'an -cin -tɔa "nyian 'ka 'ji. 'Li 'kpa bɛ, Minsan 'yee minnun Izraɛl 'nɔn 'si Ezipti nɔanba -ji, 'pian "bɛ -sru minnun nɛn wa'a yi -tɛlɛa "da "dɪɛ, e o -nan

-nyan. <sup>6</sup> En "nyian bε 'ka 'ci "nrøn 'wɪ nɛn e 'bɔ Bali -le 'pasianøn nɛn laji bε o -mienun man bε -a da. 'Wɪ zɪε -nyrɛn 'nan: Bali 'plɛblɛ 'nɔn -wɫɛ, ɛn wa'a 'wɫɛ 'bɛ man dɪ. Fɛnan nɛn Bali o -nyran bɛ, -wɛɛ 'tʊɪ. -Yee "wɛan Bali o yrɪ, ɛn e o 'pla klun 'pʊ 'va. O -fo -nan zɪɛ, -trilii -e tin 'ba yi -dan 'e 'bɔ. <sup>7</sup> Fla nɛn waa laabo Sodɔm 'lee Gomɔr bɛ 'lee 'flanun nɛn o "srøn "bɛ, o -cin 'e -trɔa 'ka 'ji "nyian. Fla zɪɛ -a da 'nɔn bɛ, 'wɪ 'tʊwli "nɛn Bali -le 'pasianøn zɪɛ waa drɛ bɛ, -a 'bɔ nɛn "o drɛ. Kɔɔ 'o 'fli -nɔn -kɔnnɛn -wɛɛdɪ 'lee li -wɛɛdɪ lɛ, tɛ 'wɪnun nɛn blamin 'ka -a dra dɪɛ, waa "paa 'nyranman -a. -Yee "wɛan Bali 'wɪ "nɛn -kɔɔn -wɫɛ 'tɛ nɛn ya'a 'driman 'li 'mlɔnmlɔn dɪɛ -a. Bali 'wɪ zɪɛ -a drɛ 'nan -e 'e drɛ -cee 'wɪ -kɔɔn "manvɛ -a.

<sup>8</sup> Minnun nɛn o wla 'ka yei "bɛ, 'wɪ 'tʊwli zɪɛ -a 'bɔ nɛn waa dra. Nyrin nɛn waa -tɛa "bɛ, -a da nɛn o 'wɪ "paa -e 'o 'wɪ 'wɫɪdɪ "drɛ, -e 'o Bali wei -fɔla 'o "trɔɛn -sru, -e 'o 'tɔ srɔ Bali -le 'pasianøn nɛn laji ɛn o cɪ -dan -a bɛ, o man. <sup>9</sup> Bali -le 'pasianøn nɛn laji bɛ, o tazan -dan nɛn waa laabo Mishɛl bɛ, ya'a 'wɪ zɪɛ -a drɛlɛ dɪ. Tʊ nɛn 'o 'vale Satan -a o Moizi pa ta wɪ 'vɪ bɛ, ya'a 'tɔ srɔlɛ Satan man dɪ. Yaa 'vɪ 'pian -yrɛ 'nan: «Minsan 'e 'wɪ "nɛn -kɔɔn 'yi!»

<sup>10</sup> Pian minnun 'labɛ o 'tɔ srɔman fɛ nɛn wa'a 'tɔa dɪɛ -a man. O -blʊ "taan "le -winun -zʊ. 'Wɪ nɛn e -trɔa 'o 'wulo -ji bɛ, -a da nɛn o 'ta 'wɫa, o 'bɔ 'nan -nyan wɪ nɛn.

<sup>11</sup> 'Wɪ -taa "bɔlɛ o man. Kɔɔ -si -tʊwli "nɛn Kaɛn 'ta 'wɫa "da 'li bɛ, -a da nɛn o -sɔɔnla. ɛn "lala yɪdɪ "yi "le "wɛan, 'wɪ 'wɫɪdɪ "nɛn Balam a drɛ 'li bɛ, -a -tʊwli "nɛn o cɪ -a drɛnan. ɛn o wluan Bali man "le zɪ Kore -a drɛ 'li bɛ -yee 'wɪ 'zʊ. O -nan -nyan wɪ nɛn.

<sup>12</sup> -Te Zozinøn 'o cin 'yɪ 'nan, -e 'o fɛ -blɪ 'e cin va bɛ, vɛ -mienun zɪɛ o ya 'o yei. 'Yra 'ka 'o yɪɛ man fɛ

-blunan dı. O 'bɔ 'pɔn -ji fɛ nɛn waa -wɛɛman. Wɛɛ -maan minnun 'ka 'tɔ sɾɛman. Vɛ -mienun zɪɛ o ya "le 'nan laa 'bɛ wla "ji, 'pian 'yi 'ka "ji -e 'e 'fɛn dı, fulɔ -ciala waa "da. ɛn o ya "nyian "le yiba "nɛn -a ba tɔ 'bɔ, te -a 'blv "ka "man "dɪɛ, -yee 'wɪ 'zɔ. O ya "le yiba "nɛn waa 'sɔra bɛ, -yee 'wɪ 'zɔ. O -ka "fo. <sup>13</sup> Waa dra "le zɪ jemie 'e 'blv -fɔa, -e 'e 'va "tri wɛɛn bei "bɛ, -yee 'wɪ 'zɔ. Waa dra "le mlɛn crɛn nɛn e 'si 'e 'tɔ -nan bɛ, -yee 'wɪ 'zɔ. Klun 'pɔ tiidii 'va nɛn Bali o -nyran "nan 'pla. -A -nan nɛn, o -fo 'li 'trilii.

<sup>14</sup> 'Li bɛ Enɔk nɛn Adan klu 'sɔravlızan 'a bɛ, e minnun zɪɛ 'wee 'wɪ 'vɪ. Yaa 'vɪ 'nan: «"Ka 'yɪɔ! Minsan -taa 'o 'vale 'yee 'pasianɔn nɛn laji bɛ o "kaga 'kpa -a, <sup>15</sup> -e 'e 'trɛdanɔn pɛɛnɔn 'le tin 'ba. E 'wɪ "nɛn -kɔɔnman minnun nɛn o drɛ wɪ cɪ -wlıdɪ "bɛ -wɪɛ, 'wɪnun nɛn waa drɛ "va 'zia -wlıdɪ 'lee 'wɪnun nɛn waa 'vɪ "va 'zia -wlıdɪ "bɛ -a man.»

<sup>16</sup> Minnun zɪɛ o ci 'ka 'li 'sɔɛ dı. 'Wɪ pɛɛnɔn nɛn e bɔa "o man bɛ, o wunwun "ve "da. O 'ta 'wɔla 'o 'ci 'sɔ wɪnun -wlıdɪ "da. Wei -dandan a o 'le, ɛn o minnun see "paaman wei 'nɔnnɔn 'a, te o o -ble.

### *Te 'ka 'pɛ -sru 'e tɔa dı!*

<sup>17</sup> 'An beenun, 'wɪnun nɛn -kaa san Zozi Crizi -le 'pasianɔn -a 'vɪ 'e 'cɛn bɛ, -a -cin 'e 'tɔ 'ka 'ji. <sup>18</sup> Waa 'vɪ 'cɛɛ 'nan: «Tɔ -fɔla "da "ji bɛ, Bali sɛɛ wɔnɔn -kɔan. O 'ta wo 'o 'bɔ 'ci 'sɔ wɪnun 'wlıdɪ -sru.»

<sup>19</sup> Minnun zɪɛ -wɛɛ Zozinɔn "cɛan 'e cin man. 'O 'bɔ 'wɔlo -ji 'wɪnun da nɛn o 'ta wɔla, Bali lei 'ka -wɔlɔ "fo "dɪ.

<sup>20</sup> 'Pian 'an beenun, 'cɛɛ vɛ bɛ, 'wɪ 'nɔnnɔn nɛn e 'si Bali 'bɔ 'va, ɛn ka yi -tɛra "da "bɛ, 'ka 'pa 'ka cin va -a -e 'ka 'tɔ 'plɛblɛ! 'Ka Bali trɔ 'ba Bali lei 'saun 'le 'plɛblɛ 'a! <sup>21</sup> Bali 'ka ye "yi, 'ka 'fɔ 'ka lɛadɪ "man!

-Kaa san Zozi Crizi -kaa nyrinda 'si, 'ka yiε 'trɔa "da 'trilii, -e tɔ nɛn e 'belidɪ nɛn ya'a 'nyaan diε -a -nɔan -cεε bε, 'e bɔ.

<sup>22</sup> Minnun nɛn 'o 'ci -fɔɔdɪ 'sia bε, 'ka o nyrinda 'si! <sup>23</sup> ɛn "nyian min -mienun a bε, o drε wɪ o 'pla Bali -le tin 'badɪ wlu. 'Ka o 'si 'wɪ 'ji, "tɔgɔ 'o 'kɔ 'tε 'va! ɛn "nyian min -mienun a bε, 'ka o nyrinda 'si! 'Pian 'ka "klan Bali lɔ! -Wee "tri "nɛn -wɪɔ "bε, te 'ka 'pε wɔ "va "dɪ!

<sup>24</sup> 'Tɔ -dan 'e 'kɔn Bali -le vε -a! E -kɔlaman 'e yiε 'tɔdɪ -a 'ka 'va, -e 'ka vɪε 'ka 'wɪ 'wɪdɪ "drε dɪ.

'Tɔ -dan 'e 'kɔn Bali -le vε -a! E -kɔlaman e -ko 'kaa, -e 'ka -yee -dan ci yi, te 'tɔ 'ka 'e 'padɪ 'ka man dɪ, te ci "nrandɪ a 'ka 'lɔ.

<sup>25</sup> 'Tɔ -dan 'e 'kɔn Bali -le vε -a! E ya 'e 'tɔwli, ɛn -yεε ci min 'sizan 'wɪ 'ji -a. -Kaa san Zozi Crizi -le "wεan bε, 'tɔ -dan a -yee vε -a, ɛn mingɔnnɛn -blidɪ a -yee vε -a, ɛn 'plɛblɛ a -yee vε -a, ɛn -kɔladɪ a -yee vε -a. -A pou sianan 'li 'e 'cɛn, -e 'e 'bɔ cεεgɔ yi -a bε, zɪ Bali ci zɪε, ɛn e -fo -a 'li 'trilii. Amɛn!

# **Bali -le 'fluba 'trε Zozi blamin pli Bali man 'e 'pee**

## **New Testament in Yaouré**

copyright © 1999 Wycliffe Bible Translators, Inc.

Language: Yaouré

Translation by: Wycliffe Bible Translators, Inc.

### **Copyright Information**

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Yaouré

**© 1999, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
ff06db1d-9f3b-5426-a70e-8791739b38bc